

جریدہ علمیہ

مشیت جلیلہ، اسلامیہ نمک، جریدہ، رسمیه سیدر

غرہ رمضان سنہ ۱۳۳۲

عدو : ۳

آبدہ بر نشر اولنور

برنجی سنہ

اوقاف نظارت جلیله سنک تبلیغات عمومی سی

« اصحاب جهانك ارأه ایدہ جی وکیلرہ دائر »

خدمه خیرات میانده ایفای وظیفه ایدہ میہ جک درجہ ده اختیار ویامعلول اولانلرہ تصادف ایدلمکده وبوقیل خدمه دن بعضیسی وظیفه لرینک تأمین حسن ایفای ایچون یرلرینہ وکیل تعینی ضمنده مراجعت ایلکده اولوب توجیه جهات نظامنامہ جدیدی یالکزر خدمت عسکریه ده مستخدم بولنانلرک یرلرینہ وکیل تعینی ایچون مساعده یی متضمن وبوندن ماعدا خصوصاً سادہ مدت مدیده مؤسسات وقفیہ خیریه ده ایفای وظیفه ایلہ افنای وجود ایدن خدمه نک شیخوخت ویامعلولیت سائقه سیله دها زیادہ محتاج معاونت وضعف بولندقلری بر زمانده مدار معیشتلرندن کلیاً محروم ایدیلرہ رک عہده لرندہ کی جهانك رفی جهته کیدلسی موافق نصفت و مروت اولہ میہ جی درکار بولمغله برابر مؤسسات وقفیہ خیریه خدماتنک حسن صورتله ایفاسنده کی وجوب واهمیتہ کوره بونک تأمین اسبابنک استکمالی لزومی ده بدیدار بولندیغدن خدمه خیراتک ایتام واراملنی ومسمن ومعلول بولنانلرینی سفالتدن قورتارمق مقصد علویسیله تنظیم اولنوب دردست تدقیق بولنان قانون لایحه سنک موقع مرعیتہ وضعه قدرهم بوقیل مسمن ومعلول خدمه خیراتی مدار معیشتلرندن محروم بر اقامق و همده وظائف مودوعه لرینک حسن ایفای اسبابی استکمال ایدلمش اولمق اوزره مؤسسات وقفیہ خیریه ده کی خدمتلی اوتوزسنه ویا دها زیادہ اولان خدمه دن سنلری ویامعلولیتلی ایفای وظیفه ایدہ میہ جک درجہ ده اولانلرک ارأه ایدہ جکلری وکیلک اهلیتی ثابت اولمق شرطیلہ وکالتنک قبولیلہ متصرف اصیلک مأذون عدایدلسی شورای اوقافجہ تذکر قلمش اولمغله اولوجہله معامله ایفایسی لزومی تعیمیا تبلیغ اولنور.

رمضان سنه ۱۳۳۲ تموز سنه ۱۳۳۰

* *

« اوراق توجیهیه نک خطیات ونواقصدن عاری اولمق صورتده تنظیمه اعتنا اولمسی حقنده »

معاملات توجیهیه اوقاف نظارتنک مابه الاشتغالی اولان خصوصات مهمه دن بری اوله رق معاملات مذکورہ نک سرعت وسلامتله جریانی تأمین ایچون مدار توجیه اولان اوراق تفصیلات مقتضیه یی محتوی وخطیات ونقصاندن عاری صورتده تنظیم وارسالنه اہتمام مأمورین وقفیہ نک وظائف اصلیه سندن بولندینی حالده بعض شعبات وقفیہ جہ بوبابده تدقیقات اجرا اولمیه رق اوراق توجیهیه برچوق خطیات ونواقصلہ ارسال قلمقمده وشو

حال مخبرات زائده بی ایجاب ایده رک معامله توجیهه نک بهوده یره تأخیرینی استلزام
ایلمکده در. از جمله عشاق قضا سنک قلیان قریه سی جامع شریفنک خطابت جهتی محمد بن
عبدالرحمانک بلا ولد وقوع وفاتی جهتیه با اعلام شرعی دامادی جلب اوغلی ابراهیم
افندی به توجیه اولنمش ایسه ده مومی الیهکده ارتحالنه بناء جهتک حفیدی جلب اوغلی
خلیل افندی ابن احمد توجیهی حقنده محلی هیئت امتحانیه سنجه تنظیم اولنان مضبطه نک
لفیه کوتاهیه اوقاف مأمورلغندن وارد اولان تحریرانده محمد افندی ابن عبدالرحمانک
وفاتیله جهت مذکورہ نک دامادی جلب اوغلی ابراهیم افندی به توجیهی کوستریله رک
وفات ایدن کسنه به جهت انہاسی کی ناقابل تجویز بردقسنرک اختیار اولنمشدر.

کذلک انطالیه داخلندہ استانوس ناحیه سنک علی فخرالدین قریه سنندہ کائن الحاج
عیسی جامع شریفی خطابتی علی حافظ نیابتیه محرم سنہ ۱۳۰۲ تاریخندہ عہدہ سنہ موجه
بولنان متوفی خلیک صغیر اوغلی حسینک وفاتندن بحثله جهتک نائب مومی الیہ توجیهی
اوقاف مأمورینکده داخل بولندینی تکه هیئت امتحانیه سنک مضبطه سنندہ درمیان اولنوب
قیدہ لدی المراجعہ جهت مذکورہ اوچوز بر تاریخندہ نیابتیه صغیر خلیل عہدہ سنہ
توجیه وبالآخره مومی الیهک کیر اولہ رق اثبات اہلیت ایلسیله اوچوز یکر می سکر
تاریخندہ استحکاماً رات اعطا قلندینی اکلا شلمسی اوزرینہ سبق ایدن استعلامہ جواباً
تکه اوقاف مأمورلغندن کلن تحریرانده خلیل افندینک تصرفی مثبت براتک ارسالیله
برابر مومی الیهک یوسف نامندہ واون یاشندہ براوغلی بولندیغندن بحثله حافظ علی
افندی نیابتیه جهتک صغیر مرقومہ توجیهی اشعار اولنمشدر .

تدقیقات واقعہ کوستریلن بوکی مسامحات شایان نظر بولندیغندن فاعلری حقندہ
تویحات مؤثرہ اجراسیله برابر منع تکرری ضمنندہ تعمیماً تبلیغات اجرایی شورای
اوقافدن افادہ ایدلمش ونقصان تدقیقندن منبعث اولان بوکی خطایاتک اہمال وظیفہ ومسامحہ دن
بشقہ صورتہ تلقیسنہ امکان بولندینی جهتله مسیبلری حقندہ ترتیب مسؤولیت طبیعی
بولنش وهر ایکی دائرہ وقفیہ مأمورینی بوکرہ تویسخ اولنمش اولغلہ اوراق توجیهہ نک
اوامر ونظامات مبلغہ دائرہ سنندہ تنظیمی تأمین امرندہ ذاتاً ایجابات مأموریتدن اولان
فرط تقید واعتنا ایله حرکت اولنہ رق معاملاتک سرعت وسلامتہ جریاتی سکتہ دار
ایدہ بیله جک مسامحات ومعاملاتہ اداره کزجہ محل براغلما می لزومی تعمیماً تبلیغ اولنور .